



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU KLADUŠKE STRANKE PRIVREDNOG PROSPERITETA

Broj: 03-07-6-585/17
Sarajevo, 10.04. 2018. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Kladaške stranke privrednog prosperiteta za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Kladaška stranka privrednog prosperiteta prekršila odredbe člana 5. stav (4), člana 11. stav (1), člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Kladaške stranke privrednog prosperiteta za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Kladaška stranka privrednog prosperiteta se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	1.120,00	65,12
3.	Prilozi pravnih lica (3-b)	600,00	34,88
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	1.720,00	100,00
II	Ostali prihodi i drugo	0,00	0,00
	Izvori finansiranja (I+II)	1.720,00	100,00

U godišnjem finansijskom izvještaju stranka je iskazala rashode u ukupnom iznosu od 7.934,74 KM.

2. PREDSTAVLJANJE POLITIČKE STRANKE

Naziv političke stranke je Kladaška stranka privrednog prosperiteta. Skraćeni naziv stranke je KSPP.

Kladaška stranka privrednog prosperiteta registrovana je kod Općinskog suda u Bihaću, Rješenjem broj: 017-0-Reg PO-06-000001 od 29.12.2006. godine. Izmjena u sudskom registru, odnosno promjena lica ovlaštenog za zastupanje stranke, izvršena je Rješenjem broj: 017-0 Reg PO-16-000002 od 17.05.2016. godine.

Sjedište stranke je u Velikoj Kladaši, Poljanak bb.

Lice ovlašteno za zastupanje Kladaške stranke privrednog prosperiteta je Ibrahim dr. Kajtezović.

Lice ovlašteno za podnošenje finansijskih izvještaja za 2016. godinu je Fadila Kurtić- Bašić

U finansijskom izvještaju Kladaška stranka privrednog prosperiteta je navela da nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Kladaške stranke privrednog prosperiteta za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Kladaške stranke privrednog prosperiteta obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na donacije fizičkih i pravnih lica i troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled finansijskih izvještaja Kladaške stranke privrednog prosperiteta u periodu od 2009. do 2015. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda finansijskog izvještaja za 2015. godinu, izdat je izvještaj o pregledu sa mišljenjem revizora, nalazima i preporukama stranci: da finansijske izvještaje podnosi Centralnoj izbornoj komisiji BiH u skladu sa Pravilnikom o godišnjim finansijskim izvještajima političkih stranaka i da blagovremeno obračunava i izmiruje porezne obaveze.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Kladaška stranka privrednog prosperiteta nije ispoštovala preporuke revizije.

5. NALAZI I PREPORUKE

5.1. NALAZI

a) Kladaška stranka privrednog prosperiteta nije postupila u skladu sa odredbama člana 5. stav (4) Zakona o finansiranju političkih stranaka.

Prilog fizičkog lica u iznosu od 420,00 KM, koji je politička stranka primila u gotovini, nije uplatila na transakcijski račun, čime je prekršila odredbe člana 5. stav (4) Zakona o finansiranju političkih stranaka.

U skladu sa pomenutom odredbom zakona, ovlašteno lice u političkoj stranci uplaćuje dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

b) Politička stranka nije postupila u skladu sa odredbama člana 11. stav (1), člana 12. stav (1), (3) i (4) Zakona o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.

Na osnovu finansijskog izvještaja, finansijske dokumentacije koju je na zahtjev Centralne izborne komisije BiH dostavila politička stranka i revizijskih dokaza pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim

propisima¹, nije uspostavila tačnu evidenciju o svojim rashodima², finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine podnijela je nakon zakonom propisanog roka³ i godišnji finansijski izvještaj nije podnijela na način kako je propisala Centralna izborna komisija BiH⁴.

- (1) Kladaška stranka privrednog prosperiteta u poslovnim knjigama nije uspostavila tačne evidencije o svojim rashodima, te finansijski izvještaj koji je sačinila na osnovu netačnih evidencija nije podnijela u skladu sa odredbama Pravilnika o godišnjim finansijskim izvještajima političkih stranaka.
 - Uplaćeni novčani iznos takse za ovjeru prijave za učešće na Lokalnim izborima 2016. godine, politička stranka je iskazala kao trošak u iznosu od 1.000,00 KM, iako su sredstva vraćena stranci, u skladu sa odlukom Centralne izborne komisije BiH broj: 06-1-07-3-1513/16 od 14.12.2016. godine.
 - Politička stranka u poslovnim knjigama i finansijskom izvještaju nije uspostavila evidencije o troškovima po osnovu poreza i doprinosa na isplate sredstva fizičkim licima, koje imaju karakter ličnih primanja. Stranka je izvršila i evidentirala gotovinske isplate sredstva iz blagajne za troškove goriva u iznosu od 378,00 KM i troškove reprezentacije u iznosu od 296,00 KM. Obzirom da politička stranka nema vozila u svom vlasništvu, niti ih je uzimala u zakup, te da su isplate izvršene fizičkim licima koja nemaju status zaposlenika stranke, iste sa poreznog aspekta imaju karakter ličnih primanja, na koja je stranka bila obavezna obračunati i uplatiti porez i doprinose, pa ih kao trošak iskazati u poslovnim knjigama i finansijskom izvještaju.
- (2) Politička stranka je finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine (postizborni finansijski izvještaj), podnijela 04.01.2017. godine, nakon zakonom propisanog roka. U skladu sa odredbama člana 15.1 stav (1) Izbornog zakona Bosne i Hercegovine i člana 12. stav (3) Zakona o finansiranju političkih stranaka politička stranka je imala obavezu da postizborni finansijski izvještaj Centralnoj izbornoj komisiji BiH podnese u roku od trideset dana od dana objave izbornih rezultata u Službenom glasniku BiH, odnosno do 01.12.2016. godine.

Troškovi izborne kampanje

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM⁵ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, na osnovu broja birača, Kladaška stranka privrednog prosperiteta je mogla potrošiti 12.789,00 KM.

¹ U skladu sa odredbom člana 11. stav (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima

² U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima.

³ U skladu sa odredbom iz člana 12. stav (3) Zakona politička stranka podnosi poseban finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

⁴ U skladu sa odredbom iz člana 12. stav (4) Zakona, politička stranka podnosi finansijski izvještaj u formi koju odobri Centralna izborna komisija Bosne i Hercegovine

⁵ Član 15.10 stav 2. Izbornog zakona Bosne i Hercegovine propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Ova politička stranka je u finansijskom izvještaju, koji je podnijela Centralnoj izbornoj komisiji BiH, u svrhu izborne kampanje iskazala troškove u iznosu od 1.175,01 KM.

5.2. PREPORUKE

Preporučuje se Kladuškoj stranci privrednog prosperiteta da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da novčane priloge uplaćuje na transakcijski račun stranke, na način kako je propisano u članu 5. stav (4) i članu 6. stav (2) zakona,*
- *da u poslovnim knjigama uspostavi tačne evidencije o svojim rashodima,*
- *da finansijske izvještaje podnosi u zakonom propisanim rokovima i formi koju je Centralna izborna komisija BiH propisala svojim podzakonskim aktima i*
- *da blagovremeno obračunava i plaća porezne obaveze.*

KOMENTAR:

U ostavljenom roku, Kladuška stranka privrednog prosperiteta nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr. sc. Hasida Gušić